



Zur Publikation im Amtsblatt Mittelbünden (Pagina, Pöstli und Novitats) vom Donnerstag, 17. März 2016, bzw. Freitag, 18. März 2016

Amtliche Publikation der Gemeinde Albula/Alvra

ALBULA/ALVRA

www.albula-alvra.ch

Infurmaziuns dalla suprastanza communal digl cumegn Albula/Alvra:

Schaner e favrer 2016

- La suprastanza communal ò examino ed approvo diversas dumondas da biagier.
- La suprastanza communal ò concludia, da piglier per mangs igl plan da quartier Crappera a Surava. Surtot duess l'equipaziun e la surbiageida neir reglada cun en regruppamaint digl taragn. Sa basond ad art. 51 e 65 dalla lescha dalla planisaziun digl territori cantunala (KRG), scu er ad art. 16 dall'ordinaziun davart la planisaziun digl territori cantunala, vign exequia percheigl segl territori da Crappera en proceder da planisaziun digl quartier ed en regruppamaint digl taragn tenor igl extract digl plan.
- La suprastanza communal ò fatg la recrutaziun 2016 digls commembers da pumpiers (Basa da pumpiers Alvra).
- La suprastanza communal ò approvo igl contract d'amprest concernent igl deposit digls meds finansials tranter igls cumegns dall'Associaziun digl forestalessers ed igl luvratori communal Alvra ed igl forestalessers e luvratori communal Alvra
- Igl contract da collaboraziun limito sen en onn tranter Savognin Turissem an Surses ed igl cumegn Albula/Alvra è nia examino ed approvo. Agl avigneir vign la Ela Card dada or digl cumegn durant las ouras da spurtegl ordinarias per en onn per indigens e giasts.
- Igl termin dalla proxima radunanza communal è nia fixo sen igls 18 da mars 2016. Las tractandas per mangs dalla radunanza communal èn neidas deliberadas.
- La suprastanza communal ò aderia ad ena dumonda pigl dretg da construeir pi damanevel a favour dalla parcella nr. 931 ed a disfavour dalla parcella nr. 325 (Veia digl Bogn) ad Alvagni Bogn.

- La suprastanza ò piglia cunaschietscha digl surpassamaint digls costs an connex cun la sanaziun dalla veia da cumegn „Plazza da vischnanca – Tgaplotta e Voia sot Baselgia“ a Brinzauls. Igl surpassamaint digls costs è sa do antras prestaziuns supplementaras (mantignamaint veia da sviamaint, gera da veias ed asphalt Voia sot Baselgia), tgi eran betg risguardadas aint igl preventiv. Alla proxima radunanza communal vign sotamess agls votants la dumonda per en credit supplementar correspondent per l'approvaziun.

Per la sanaziun dalla Voia Pintga, tgi è gio approvada dalla radunanza communal Brinzauls, vign la suprastanza a concluder en conclus d'introducziun ed introduceir en proceder da perimeter correspondent. Siva dalla conclusiun digl proceder, so la sanaziun neir realisada.

- La lescha davart la gestiun digl rusment è neida tractada detagledamaintg dalla suprastanza communal e deliberada per mangs dalla radunanza communal.
- An connex cun la nova equipaziun dall'electricitad TS Vischnanca – TS Tscherner – TS Crappa Naira, èn la offertas per la furniziun digls transformateurs neidas examinadas e surdo l'incumbensa.
- Las lavours per la „survigilaziun ed igl alarm anticipo 2016-2019“, territori da crudada da crappa e bovas a Brinzauls, èn neidas surdadas. I sa tracta dallas suandontas lavours:
 - survigilaziun quantidad tgi croda ansemen – portal da datas da misiraziun online e WebCam
 - survigilaziun quantidad tgi croda ansemen – rapport annual geologic
 - misiraziun dalla deformaziun GPS/GNSS ed indrez da misiraziun automatic
- La suprastanza communal ò examino ed approvo las dus ampresas dumondas da naturalisaziun da dus persungas tgi èn nascheidas e carscheidas se aint igl cumegn Albula/Alvra. Iglis novs vaschigns digl cumegn Albula/Alvra èn cordialmaintg bagnnias.
- Siva 20 onns activitad dalla federaziun digl KSVA e VIA è nia concludia alla radunanza da delegos extraordinaria digls 17 da december 2015, da schliier se l'Associazion Integraziun Alvra per igls 31-07-2016, per muteiv dalla pussebladad da stgaffeir structurass pi schlanccas antras la fusiun digls cumegns. La suprastanza communal ò piglia cunschietscha da chella decisiun. La radunanza communal vign infurmada digl fatg a caschung dalla proxima radunanza communal.

La suprastanza communal